



**I**oannes Marquardus ex illustri baronum à Künseck familia natus est. Is cum felici ingenio præditus esset, parentum cōsilio operam literis dedit, atq; linguarum & artium magnum sibi usum cōparauit. Postea quoq; armorum exercitia cōplexus, atq; Cæsaris castra secutus est. In primis uerò expeditionibus Turcicis interfuit, atq; sua uirtute inter proceres sibi magnum nomen comparauit. Pollebat enim singulari prudentia, & in rebus agendis felicitate rara. Id cum Ferdinandus Cæsar intellexisset, hunc Ioannem Marquardū inter præcipuos consiliarios elegit, atq; tãdem 1545, sub initium belli Smalkaldici præfectum in Ensisheim, & superio-

ris Alsatiaë capitaneum constituit. In ea functione Ioannes Marquardus fuit diligentissimus, ita ut ab omnibus plurimùm diligeretur. Cum hoc modo ueneranda canitie esset conspicuus, tandem anno 1552 in Ensisheim Apoplexia obiit, atq; honesta sepultura decoratus fuit. Anon.